



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za vanjske poslove

28.11.2001

01/2-011-316/01

Broj: 01/2-011-316,1/01
Sarajevo, 15.06.2001

ZAPISNIK

sa šeste sjednice Komisije za vanjske poslove

Sjednica je održana dana 5.06.2001.godine sa početkom u 13:30 sati. Sjednici su prisustvovali sljedeći njeni članovi: Marko Amidžić, Boro Bjelobrč, Željko Bilbija, Salih Kulenović i Branislav Lolić. Sjednici nisu prisustvovali njeni sljedeći članovi: Mediha Filipović, Sead Butrović, Mariofil Ljubić i Momir Tošić.

Predsjedavajući Komisije za vanjske poslove predložio je sljedeći

DNEVI RED

1. Verifikacija zapisnika sa 5. sjednice Komisije za vanjske poslove Predstavničkog doma Parlamentarne skupštine Bosne i Hercegovine održane 17.05.2001.
2. a) Sporazum o razvojnom kreditu (projekat tehničke pomoći za socijalni sektor) između BiH i Međunarodne asocijacije za razvoj;
b) Sporazum o razvojnom kreditu (Kredit za prilagođavanje u socijalnom sektoru) između BiH i Međunarodne asocijacije za razvoj;
3. Razmatranje prijedloga programa rada Komisije za vanjske poslove za 2001 godinu;
4. Pismo Kolegiju Predstavničkog doma Parlamentarne skupštine BiH (zahtjev za koordinaciju)
5. Tekuća pitanja.

Predloženi dnevni red je jednoglasno usvojen od strane članova Komisije.

Ad.1. Nije bilo primjedbi na zapisnik sa 5.sjednice i on je jednoglasno verifikovan.

Ad.2. Komisija za vanjske poslove je nakon kraće rasprave dala saglasnost za ratifikaciju Sporazuma o razvojnom kreditu (projekat tehničke pomoći za socijalni

sektor) između BiH i Međunarodne asocijacije za razvoj i Sporazuma o razvojnom kreditu (Kredit za prilagođavanje u socijalnom sektoru) između BiH i Međunarodne asocijacije za razvoj uz obrazloženje da se **Komisija oprijedjelila da insistira na prisutnosti predlagača, jer u suprotnom neće razmatrati ova pitanja.**

Ad.3. Predsjedavajući Komisije za vanjske poslove Marko Amidžić , upoznao je prisutne sa koncepcijom Programa rada Komisije i otvorio diskusiju po istoimenom pitanju. U diskusiji su učestvovali svi članovi Komisije za vanjske poslove. Gospodin Boro Bjelobrk je predložio da se usvoji predloženi Program rada Komisije i da se uđe u fazu dorade istog kako bi zadovoljili osnovnu ambiciju – uspješan rad i djelovanje Komisije. Zaključeno je da se Program rada usvoji pod pretpostavkom da će se dograditi u skladu sa aktualnim temama i pitanjima. Rezultat rasprave Komisije o Programu rada za 2001. godinu je i sljedeći

Aneks 1

1. Prihvatajući ovaj program Komisija je izrazila i potrebu da se pravovremeno pristupi fazi **dorade Programa** i njegovog usklađivanja sa **Orientacionim radnim planom Doma** za određeno vremensko razdoblje (čl.45. tačka 1. Poslovnika) te da dinamiku realiziranja programa treba prilagoditi **mjesečnom kalendaru** koga utvrdi prošireni Kolegij (čl.46. Poslovnika)

2. Za uspješnu realizaciju Programa i drugih aktivnosti iz svog domena Komisija je zaključila da se od Kolegija i Sekretarijata traži **dostava podataka o dijelu Proračuna koji je planirana za rad komisije za vanjske poslove u 2001 godini** sa kojima Komisija može upravljati u izvršavanju svoje funkcije.

Jednako tako Komisija traži da joj se na 15 dana ranije dostavlja **vremenski plan svih mogućih angažmana na planu vanjskih poslova u Domu** (zemlje kontakta, sastav delegacija, platforma nastupa) i izvješća delegacija sukladno čl. 37. Poslovnika).

Komisija zahtijeva i da se kroz zajednički sastanak ili razgovor razjasne nadležnosti Kolegija doma i Komisije, **dogovori način koordinacije** u aktivnostima sukladno Poslovniku.

3. Prema dogovoru sa Komisijom za vanjsku trgovinu i vanjske poslove Doma naroda BiH na narednoj zajedničkoj sjednici Komisija će urgentno razmatrati pitanje: **Standardi i procedure parlamentarnog predstavljanja BiH** (tehnologija nastupa).

II

U načinu ostvarivanja Programa i ukupne njene funkcije Komisija će:

4. Istražiti mogućnost i način okupljanja ljudi sa pozitivnim iskustvima o oblasti vanjskih poslova **eksperata za neke zemlje** i neke oblasti ljudskog rada, u okviru rada Komisije sukladno dijelu proračuna sa kojim se raspolaže.

5. Nastojati organizirati jedan broj **debata sa diplomatskim osobljem BiH** i stranih zemalja u datom povodu ili na aktualnu temu (novi veleposlanici i oni sa dužim iskustvom u BiH).

6. Uzeti učešće u radu okruglih stolova **Ministarstva vanjskih poslova BiH** (Banja Luka, Brčko, Tuzla, Mostar) koji treba da omogućе pravljenje **novе vanjskopolitičke platforme BiH**, tijekom lipnja 2001. godine.

7. Na kraju svake svoje sjednice, u prethodnoj raspravi, **razmatrati mogućі dnevni red naredne sjednice**: način pripreme pojedinih tačaka, moguću osnovu za raspravu, mogućе učesnike i vrijeme.

Ad.4. Predsjedavajući Komisije Marko Amidžić, obavijestio je prisutne o važnosti koordinacije Komisije za vanjske poslove sa Kolegijem oba Doma Parlamentarne skupštine, istakavši da je poziv Kolegiju upućen od strane komisije. Zaključeno je da u buduće članovi Kolegija prisustvuju sjednicama komisije. Zatim, da je potrebno usaglasiti plansku redovitost održavanja sjednica i da se usaglasi mrežni plan koji će obuhvatiti cijelu infrastrukturu Doma. Jednoglasno je utvrđeno da ciljani datum održavanja sjednica bude treći ponedjeljak u mjesecu, dok se ne usaglasі novi datum.

Predsjedatelj Komisije
Marko I. Amidžić, dipl. ing.